

5 - Reglar for ordføraren og varaordføraren

Ordføreren i kommunen er møteleder i kommunestyret og formannskapet. [...] Ordføreren er rettslig representant for kommunen eller fylkeskommunen og underskriver på kommunens eller fylkeskommunens vegne hvis ikke myndigheten er tildelt andre.

[...]

Kommunestyret og fylkestinget kan selv gi ordføreren myndighet til å

- a) treffe vedtak i saker som ikke har prinsipiell betydning*
- b) treffe vedtak i hastesaker etter § 11-8 første ledd*
- c) opprette utvalg som skal forberede saker som ikke har prinsipiell betydning.*

Formannskapet og fylkesutvalget kan selv gi ordføreren myndighet til å treffe vedtak i saker som ikke har prinsipiell betydning, hvis ikke kommunestyret eller fylkestinget selv har bestemt noe annet.

Ordføreren skal rapportere til kommunestyret eller fylkestinget om hvordan den delegerte myndigheten er benyttet. (Kommuneloven § 6-1)

5.1 Funksjon

Ordføreren er den fremste tillitsvalde blant kommunestyret og formannskapet sine medlemmer. Han eller ho representerer kommunen og er bindeledd og formidlar av synspunkt mellom dei folkevalde og administrasjonen. Vervet som varaordfører har ingen sjølvstendig funksjon anna enn å fungere som ordfører når ordføreren trer mellombels ut av vervet eller har fråvær. Varaordføreren assisterer ordføreren som møteleiar i kommunestyremøta.

5.2 Mynde

Ordføreren i Herøy har mynde til å

- a) treffe vedtak i ikkje-prinsipielle saker
- b) treffe vedtak i hastesaker etter § 11-8 første ledd
- c) opprette utval som skal førebu ikkje-prinsipielle saker
- d) gjere suppleringsval til råd og utval når ein fast representant melder flytting, etter framlegg frå det aktuelle partiet/ grupperinga representanten høyrer til

Delegeringsreglementet for kommunen gjer elles greie for kva mynde ordføreren har.

Rettsleg representant. Underskrift på vegner av kommunen.

1. Ordføreren er rettsleg representant for kommunen og skriv under på vegne av kommunen i alle tilfelle der myndet ikkje er delegert til andre.

2. Som rettsleg representant tek ordføreren imot forkynningar og meldingar for kommunen når det gjeld rettssaker. Ordføreren er legitimert til å reise søksmål på vegne av kommunen. Ordføreren sørgjer for at det i slike tilfelle vert avgjort kva som skal skje vidare i samråd med kommunedirektøren.

3. Ordføreren har fullmakt til å melde saker til politiet.

4. Andre dokument av administrativ og driftsmessig karakter vert underteikna av kommunedirektøren eller den han eller ho har delegert myndet til.

5. Er ordføraren ugild i ei sak der dokument skal skrivast under, vert oppgåva gitt til varaordføraren.

Ordføraren som generalforsamling:

Kommunestyret kan gjere vedtak om ordføraren som generalforsamling i heileigde kommunale selskap eller i selskap der kommunen har aksjefleirtal.

Ordføraren vel sjølv om han eller ho vil nytte seg av eige valnemnd i høve val av styremedlemmer eller om han eller ho vil stå føre dette sjølv.

5.3 Ordførarkjedet

Ordførarkjeda er eit symbol som viser kven som er kommunen sin fremste representant ved høgtidelege høve.

5.3.1 Kjeda skal berast:

1. når ordførar representerer Herøy kommune i offisielle og høgtidelege samanhengar.
2. når ordføraren vigslar til ektefolk.
3. ved mottakingar i kommunal regi.
4. ved middagar og andre tilstellingar der kommunen er vertskap.
5. ved opning av offentlege bygg og anlegg når ordføraren står for opninga.
6. ved opning av større møte, kongressar og liknande der ordføraren representerer kommunen.
7. ved overrekking av utmerkingar, medaljar, påskjøningar og prisar.
8. ved offisielle besøk av kongelege, medlemar av Regjeringa og ved besøk av utanlandske statsoverhovud og regjeringsmedlemmar.

Ordførarkjeda kan ikkje brukast i samband med partipolitisk profilering.

5.3.2 I tillegg gjeld desse retningslinene:

1. Kjeda skal i utgangspunktet berre berast av den valde ordføraren, og vert overrekt ved skifte av ordførar under det konstituerande møtet i kommunestyret.
2. Kjeda kan berast av varaordførar når denne utfører representasjonsoppgåver på vegne av ordføraren.
3. Skal kjeda brukast i ei anna kommune, skal dette vere avtalt med ordføraren i den aktuelle kommunen på førehand.
4. Kjeda skal berast til pent og korrekt antrekk, og kan berast til bunad.
5. Kjeda skal normalt ikkje berast utanpå ytterkle.
6. Kjeda er eit fargerikt «smykke», og val av fargar på klede må tilpassast kjeda.
7. Kjeda skal normalt ikkje bærast saman med uniform.
8. Kjeda skal ikkje berast saman med dekorasjonar, ordenar, medaljar, heidersteikn, utmerkingar eller liknande.
9. Kjeda skal ikkje brukast ved ordinære kommunestyremøte. Ordføraren har likevel mynde til å ta avgjerd om at kjeda kan nyttast i særskilde kommunestyremøte, til

dømes der venskapskommunar er representerte som tilhøyrarar, eller ved andre høve som store jubileum, stemne eller liknande.

I tvilstilfelle avgjer ordføraren om kjeda skal nyttast.

5.3.3 Forvaltning av kjeda

1. Kommunedirektøren har ansvar for forvaltning av kjeda.
2. Ordførarkjeda skal oppbevarast i låst hvelv på kommunekassa i Herøy rådhus.
3. Ordførar har ansvar for oppbevaring av kjeda, og for at reglementet vert handheva.
4. Ved eventuelle endringar i kommunestruktur, skal Herøy kommunestyre avgjere framtidig bruk og forvaltning av kjeda.

5.4 Når varaordføraren fungerer som ordførar

1. Er ordføraren mellombels borte frå kommunen, må han eller ho sjølv varsle frå om fråværet vil føre til at vervet ikkje kan utøvast for ei viss tid. Først etter at ordføraren har varsla varaordføraren og kommunedirektøren, kan varaordføraren tre inn i ordføraren sin funksjon.
2. I tillegg til dei tilfella som går fram av § 6-2 i kommunelova og punkt 1 ovanfor, trer varaordføraren inn i ordføraren sin stad når
 - a) ordføraren er sjukmeld i same omfang som ordførarvervet er fastsett til
 - b) ordføraren på grunn av tenestereise eller ferie er berekna å være borte frå kommunen i meir enn ei veke
 - c) det oppstår enkelttilfelle der det vert kravd at det må handlast raskt og det viser seg umuleg for ordføraren å ivareta ordførarfunksjonane
3. Ordføraren kan la seg representere av varaordføraren i representasjonsoppdrag og andre samanhengar. I slike samanhengar opptrer varaordføraren som ordførar og kan såleis nytte ordførarkjedet.